

曉耕齋記

(中國) 高偉濃 著

 吉林書局

晓耕寒钓

高伟浓教授日记诗续抄

(中国) 高伟浓 著

学林书局
吉隆坡 2010

ISBN 978-983-41802-9-4

晓耕寒钓——高伟浓教授日记诗续抄
(中国) 高伟浓 著

出版：马来西亚·学林书局

Intelligentsia Book Station
Sdn Bhd, 45A, Jalan Tun Tan
Siew Sin, 50050


Kuala Lumpur, Malaysia.

Tel/Fax: 603-2031 3195

Email: xuelin@tm.net.my

版次：2010年8月第一版

定价：RM 15



自序

《晓耕寒钓》，笔者日记诗之续抄也。前已有《嚶鸣友声》、《海客寻瀛》、《蚌含明月》、《梅花三弄》、《桂棹兰桨》诸本，均为日记诗集。

余每云，日记诗词，属“结绳记事”之作，因其所志未免简约，又因吾人自认愚钝，其智商或低于上古穴居时代之我等族类，故有此说。此等劳什子，虽未必日有所出，但于一事一人，若有感发，即当记之，亦可寄余情，言心志，寓夙愿。因而，若流水之帐，知有其始，未谕其终也。

余频年在岗耕耘，劳于心，斂于神，然损于形，虽褒赞讥议在所不计，但实无闲暇弄笔诗词之类，只是于汽车之上、小憩之际、学旅之余，若偶有拾得，则于夕间以诗词样式付之砚墨，得暇再斟酌之，修补之，日久盈案，乃得以结集出版也。

观此集，竟以七律充斥，亦自暗笑，皆因自以为此种诗体对提升自身诗功有所裨之故。此举或未



尽当，但木已成舟，只得仍其状也。

然尤当铭感者，马来西亚学林书局董事经理谢满昌先生，每慷慨出版余之日记诗集，足见其宅心之仁之善也。

余所事，海外华人研究，虽偶有所得，但每每秉烛为之，乃至更残；余虽也有钓翁之愿，惜仅存于心，无从得遂。犹记《桂棹兰桨》卷末，尝以十律志彼时心境；是集之末，则有廿律以释斯时胸襟，由是可知“晓”、“寒”所寓何意也。或曰，今晓寒之心已倍于去岁矣，嗟夫！


权充序。

高伟浓

庚寅仲夏于广州暨南园

目 录

自序.....	I
卷一、晓魄惊明.....	1
卷二、耕凿东陂.....	23
卷三、寒木春华.....	40
卷四、钓客荷衣.....	82




卷一 晓魄惊明

二00九年八月十七日 阅新加坡华人春节材料

移俗移神大地间，南溟有节自轩辕。
旧符已被新桃换，故习仍随律例传。
瀛岛山花开复谢，水天明月缺还圆。
尝闻礼失求诸野，黄鹤一飞又百年。

八月十八日 阅马来西亚华人春节材料随思

夜深寒露滴疏枝，盼得凉侵点烛时。
遥想南瀛波浩渺，堪嗟半岛事迷离。
华巫幸已泯心结，节庆当应释旧疑。
叹我久违游子意，茶香一缕月随移。



晓耕寒钓

八月十九日

撰华人软实力与中华民族凝聚力文

浩漫时空洗瘴烟，梦回华夏韵依然。

轻柔实力堪当惜，为写和平崛起篇。

八月廿一日上午 与陈文往医院看望陈教授

巍然开济四朝臣，孰料瞬间轮椅人！

留情冀可留豪气，植树期能植壮根。

两载每时嗟踞促，双床竟夜守星辰*。

西风搅得天色晦，谁将妙手靖烟尘？

*陈教授染恙已两载，夫人亦同恙多年，同守一房。

八月廿二至廿四日 撰写广西会议论文

弄毫何敢说轻柔，虽是云霞眼底收。

倩得金风邀玉露，澄圆明月照邕州！

八月廿三至九月二日 撰写软实力项目稿

(一)

三更别月抱床迟，自认入畸非入时。
诗瘦尚堪穷贾岛，人微孰可说高枝？
未尝斗酒华筵席，尚可吟风疏菊篱。
陶令倚扉常耿介，秋来赚得雪霜姿。

(二)

伏枥九年未忍违，胸中犹育旧芳菲。
堂前每有羸侨恋，门下焉能袖手归！
但舞窗台三寸笔，焉裁羸体半分衣？
五湖烟月因相弃，绿树轻舟恐已非。

八月廿八日 到恩城

相看树影叠清溪，卅载潺潺旧坝堤。
忽有箴言传耳际，“门前流水尚能西”！



八月廿九日 到家乡


浅竹烟溪惜已非，田园焉得客留羈？
忍看尘靄笼川野，想象儿歌过翠微。

八月廿九日晚 恩城酒店写作随感

日天无奈隔桑麻，夜半犹违澹月华。
留得禅心随寂寞，聊将纸笔抗喧哗。
虽非闹市随遛犬，却有清樽伴画鸦。
隔壁狼嚎声渐乱，求迁吏胥宴高牙。

九月初 随感

又见平川烈马嘶，刀矛剑戟斗新奇。
而今校场多骑士，时下楼台少美眉。
世道何堪评善恶，輿情焉与论稠稀？
故人闻说江湖事，笑向老庄询是非。



九月十三至十六日 云浮参加研讨会

文章挥袖出茅庐，欲遣才情到一隅。
日照滩边观日照，云浮市上赏云浮。
鹰飞峻岭鱼潜水，雀跃丛林鳖入湖。
物种缤纷难尽数，麒麟龙凤有还无。


九月十九日 华侨人物传结题片言

一史探无涯，霜秋九月花。
山泉穷尽处，揽日更餐霞。

九月二十日中午 与门下聚于怡乐路庆中秋国庆双节赋言

(一)

大江翻滚属蛟龙，拼搏时逢凛冽风。
寄语寒窗吟啸者，春龙夏虎莫秋虫。



(二)


丈夫未可守穷庐，嵩岳多鹰水有鱼。
若果黍粮无一粒，自当长啸复呜呼。

九月廿二日上午
听国侨办程司长农场问题讲座

几度京华念独深，磋砣未许白头人。
穷途总挫归侨意，茅屋尝留公仆痕。
幸有诚恩堪可慰，且行仁政慎为斟。
炎黄奋起思长戟，大树参天赖壮根。

九月廿二日下午 与陈教授谈课题事

书斋砚墨渡晨昏，立说著书探典坟。
同为平胡思善策，使君应是有缘人。



九月廿三日 飞南宁

去年秋月返辕门，曾诺重来试酒温。
又是高天叫雁急，纤云浅雾慰行魂。


九月廿四日 参加广西侨务理论研讨会

(一) 讲演

为文争得骨清奇，出语不应世笑痴。
本是山人非宦客，画眉深浅岂应时？

(二) 主持研讨会

百卉盛开千色斑，秋来江水亦如蓝。
争犹一夜潮声起，细雨软风桑柘繁。



晓耕寒钓

九月廿五日 广西民族大学与学生座谈

笑谈学问说书虫，治水谁谙鲧禹功？
一树枝疏知有限，千峰景邃理无穷。
麒麟出谷荒原上，凡鸟归巢夕照中。
探得源头来活水，清音绕室胜编钟。


九月廿五日晚 飞广州空中随感

俯看凡世笑微尘，百感丛生皓首人。
若是平川观宇宙，眼中何物更缤纷？

九月廿六七日

再读新马华人春节材料聊以泛舟观景喻之

泛荡平湖万物稀，远山横翠锁娥眉。
鱼游雀跃波徐卷，水阔天空景渐微。
古驿数间云守望，烟帆几点鹤相依。
忽然江渚飘飞絮，逮住蝉声再说归。



九月廿九日至十月三日 软实力写作题思


鱼游渊薮鳖生湖，游物焉能一网无？
无术粉丝拼大饼，有心毫笔绘峰图。
千人献策斯人倦，百日翻书假日虚。
烛烬更燃常竟夜，市中辜负野菖蒲。

十月五日 祖屋修后赋

祖庭重顾叹蓬门，回首当年水渗尘。
思若白头成寓客，何妨珠壁赠邻人。
姬翁长作流星逝，隔代堪嗟泾渭分。
唤起童心无妄语，如涛稚事涌缤纷。

十月六日至十四日 软实力写作再题思

心空出语未尝空，论理聊争一寸功。
虽有新知长耿耿，难防脑壳偶蒙蒙。
劳神勤借书山智，雕琢常需匠艺工。



晓耕寒钓

燕子几时飞岭侧，衔来明月挟春风？

十月十五日 《桂棹兰桨》初版阅后


学语雏莺在柳荫，晴光沥沥滴新音。
沽来桂棹摇兰桨，通得清幽到上林。

十月十六日 与研究生讨论论文题目

远望前山半隐堤，焉知库水抑流溪？
西湖猎得春光后，浅草才能没马蹄。

十月十八日 广州厦门途中

晴川借得景缤纷，聊作荒原散野人。
得句欣然歌五柳，吟风仿佛梦三春。
吟诗欲到清江渚，濯足仍留澹月痕。
不慕京尘时尚客，一瓢过口感恩深。



十月十九日

参加厦门大学苏氏东南亚学术研讨会

远近高朋久慕名，我来聊借一杯清。
春风相映松间鹤，雅韵更酬圈里情。
大学路边贤杰喜，颂恩楼上瑞光盈。
文章自古千秋事，难得今时再识荆。

十月二十日

华侨大酒店见王灵智教授
听其谈访金门旧宅事云离此已六十余年矣

蓬荜生光户有辉，知为游子渡洋归。
楼台卧月阶苔厚，黄鹤无踪物事非。
挹得乡音酬夙愿，沽来美酒伴鱼鲤。
当时老叟乘桴意，化作轩辕热泪飞。